

607

ԲՆԱԿԱՆ

ԽՆԱՄԱՆՈՒԹԻՒՆ

ԿԱՄ

ԱՌԱՋՆՈՐԹ ՄԱՐՑ ԱՄԵՆԱՀԱՐԿԱԾՈՐ
ՄԷԿ ՊԱՐՑԱԿԱՆՈՒԹԵԱՆԸ

ԿԼԿ
ՅԿՅ

ԱՅԹԱՑԱՍԻՐԵԱՑ

ԱՐՄԵՆԱԿ Կ. ՃԻԶՄԻՃԵԱՆ




Հայաստանի
Կաթողիկոսական
Եկեղեցու
Կաթողիկոս

ԿԱՍՏԱՆԻՆՈՒՊՈԼԻՍ

Ի ՏՊԱՐԱՆԻ Յ. ՓԱՓԱԶԵԱՆ

1859



111

THE
 UNIVERSITY OF
 THE STATE OF
 NEW YORK
 LIBRARY
 ALBANY
 1853

Մայրեր .

Խղճմտանքը երբ կը խօսի ձեզի՝
կը յուսամ որ դուք ալ ետ չիպիտի
կենար անոր քանի մը վայրկեան լսե-
լու . և եթէ իր առաջարկութիւնը առ
ձեզ օրինաւոր դատէք՝ ՚ի գործ պիտի
դնէք զայն . խորհելով որ ամեն մարդ
պարտի վեհանձն ըլլալ, և հետեւա-
պէս ընել ինչ որ բնութիւնը խղճմը-
տանքին բերնովը իրեն կը խօսի, և
կը յայտնէ թէ, այս ընելը քու պար-
տականութիւնդ է, ո՛վ մարդ, և Նր-
կինք անպարտ չիպիտի թողու քեզ
երբ քեզի ինկած պարտականութիւ-
նրդ կատարել չ'ես կամիր . և ինչ
բանի մէջ արդեօք բնութիւնը կը խօ-
սի մեզ որչափ որ կը խօսի Մարց ՚ի
մասին իրենց մանկունքը սնուցա-
նելու բնական և բարոյական կերպ-
կուրներով, և նոյն ժամանակը ինչ
բանի մէջ մարդիկ այնչափ կը հակա-

ռակին բնութեան պահանջմանցը որ-
չափ որ մայրերը խուլ եղած անոր
ձայնին, կոյր անոր ցուցըցած շաւղին,
հետի բոլորովին օգտակարէն, գրկած
ամեն չար հետեանք ունեցող միջոց-
ները հող չեն տանիր իրենց շնորհուած
տղեկներուն: Ենհարին յիմարու-
թիւն մայրեր, ձեզ կը խօ-
սիմ, ոչ ես՝ այլ բնութիւնը. եթէ կ'ու-
զէք, մտադիր եղիք ինձ քիչ մը, ճշմա-
րիտ կ'ըսեմ ձեզ որ եթէ Արարիչն
Աշխարհիս զձեզ դատապարտելու
ուրիշ պատճառ չ'ունենայ, գիտցիք
որ ձեր այս մասին մէջ ունեցած վը-
տանդաւոր տգիտութեանցը համար
իրաւունք պիտի ունենայ զձեզ անանց
դատապարտութեան յանձնելու .
ուստի խելքերնիդ զլուխնիդ բերէք,
և գէթ ձեր անձիւքը դատապար-
տութենէ փրկելու համար՝ լաւ հո-
գացէք ձեր մանկունքը մտադիր ըլ-
լալով միշտ բնութեան՝ որուն տուած

դասերը այս մասին երբէք չեն սխա-
լեր, այլ ընդհակառակն առատօրէն
կը վարձատրեն այն մայրերը՝ որոնք ի-
րեն առաջնորդութիւնն ընդունելով՝
հոգ կը տանին իրենց զաւկրներուն :

Յայտնի է, որ մարք երեք տեսակ
գլխաւոր պարտականութիւն ունին
այսինքն .

1. Խնամածութիւն խնական :

2. " " Բարոյական .

3. " " Մտաւորական .

Ետքի երկուքը մէկդի գնելով առ այ-
ժրմ պիտի խօսիմք առաջին մասին
վրայ . որնոր ըստ իմ կարծեաց ամե-
նէն հարկաւոր մասն է, ինչպէս որ
ընտրեան կարգն ալ անանկ կը պա-
հանջէ . այսինքն, նախ կարենալ, երկ-
րորդ կամենալ, երրորդ առնել . և ո-
րովհետև մէկը մինչև որ կատարեալ
կարողութիւն չունենայ մարմնաւոր
(որ է բնական), ո՛չ կարող է ո՛չ ալ կը
կամի ըսն մը սիրելու, կամ ըսն մը ի
գործ գնելու . ապա ուրեմն կարծեմ

սխալած չեմք ըլլար եթէ նախ սկը-
սիմք խօսելու հետևեալ հարցմանս
վրայ. «Տղայ մը ծնանելէն վերջը ի՞նչ
պէս նայելու է որ կատարեալ առողջ
և դիմացկուն ըլլալով շուտ ենթակայ
չըլլայ հիւանդութեանց և չըմեռ-
նի»: Ահա այս պիտի ըլլայ փոքրիկ
տետրակիս նպատակը. որմէ կ'սպա-
սեմ լոկ ընդունելութիւն մը առա-
ջարկութեանցս քան թէ շահ:

ԲՆԱԿԱՆ ԽՆԱՄԱԺՈՒԹԻՒՆ

ՏՂԱՅ ՍՆՈՒՅԱՆԵԼ

Հաճո՞ւոր պղայոց:

Նոր ծնած տղու մը համար ա-
ռաջին բանը հազուատն է. Ա. պէտք
է բոլորովին հրաժարիչ ամեն տեսակ
փաթթոցներէն և կապերէն, որոնք
կրնան որ և իցէ չափով իր շարժմա-

նր արդեւք ըլլալ. Բ. Տղեկը աղէկ մը նախ գաղջ ջրոյ մէջ լուարով թեթեւ լաթեղէնով մը ծածկելու է. անոր վրայէն թուլ շապիկ մը և ֆանէլ մը, և մէկ թեթեւ ֆլորան մը, մարմնոյն որ և իցէ կողմը բնաւ կապ մ'ունենալու չէ, կամ գօտի և այլն:

Տըպ Ե-ՄԼ:

Տղան ամեն առաւօտ արթննալուն պէս 80° – 85° ջուրի մէջ բոլոր մարմինն լուարու է (ոչ երբէք կերակուրէն վերջը), ջրոյն ջերմութեան աստիճանը կամաց կամաց իջեցնելու է 70° – 65° ի:

Աերակո-ը Կըպոյ:

Օարհուրելի վնասներ յառաջ եկած են մարց այս մասին մէջ ունեցած տղիտութենէն, և յիրաւի երբէք չ'եմ պատահած իմ ազգիս մէջ այնպիսի ընտանիք մը՝ որ ազատ ըլ-

շար այս սխալումէն. դիւզացիք աւելի
 աղէկ կը կերակրեն իրենց մանկուն-
 քը, քան թէ մեր քաղաքականաց-
 եալ և կրթեալ տիկնայքը. հեռի են
 անոնք ան խենդ և նոյն ժամանակը
 փաստակար թխմէ խերէն տղայոց փա-
 փուկ ստամոքսը անճոռնի կերակուր-
 ներով, կարկանդակներով, «ճիւնե-
 րով, և քանի մը տղայոց ստամոքսը
 աւրող նիւթերով. դիւցունի թող,
 որ ոչ իսկ մէկ մայր մը պիտի համար-
 ձակի իր ընթացքը շարունակելու, ե-
 թէ գիտնայ թէ ինչ ահռելի հետե-
 ւանք յառաջ կադայ իրենց տղի-
 տու թէնէն. բարեկամու հիներէս մէ-
 կը կայ որ երէք գեղեցիկ տղայոց կեն-
 դանազիրը կը պահէ, և շարունակ
 կ'ողբայ անոնց մահը. թէ և հիմա ա-
 ղէկ համոզուած է որ ինք իր ձեռքո-
 վը զանոնք մեռցուցեր է՝ զանոնք տը-
 գիտաբար կերակրելով, և ես շատ
 անգամ զրուցած եմ իրեն թէ մեծ

հրաշքով անոնք մինչև երեք տարի
ապրելու գիմացեր են . խնդճ որդե-
կորոյս մայր . . . տակաւին կ'ողբայ .
բայց և այնպէս ես չեմ կարծեր որ
իրմէ ուրիշ ծնելիքները պիտի ապրին .
ինչու որ ամենազօռար է համոզել
մայր մը թէ իր արհեստական ստա-
մորսը երբէք առաջնորդ չէ և չիկրնար
ըլլալ տղեկի մը բնական սնունդին :

Մարց կաթը , ինչպէս որ յայտնի
է , տղեկին նախնական և ամենահար-
կաւոր կերակուրն ու սնունդն է . բայց
եթէ պատահի որ կուրծքը կաթ չու-
նենայ , այն ժամանակը քիչ մը անոյշ
կաթ զուտ ջրով խառն կրնայ տրու-
ուիլ տղեկին . բայց սա՛ ալ գիտնալու
է որ բաց 'ի մէկ քանի հազիւ հան-
գիսլած բացառութեանց , միշտ մարք
կաթ կրնան տալ քանի որ տղեկն կը
կարօտի անոր :

Խնամածուք ընդ հանրապէս շատ
շուտ կ'սկսին կերակուր կամ թէ կա-

Թէն 'ի զատ ուրիշ ուտելիք տալ սը-
 զայոց, գրեթէ երբորդ կամ չորրորդ
 ամսոյն մէջ: Ասանկ ընելու չէ. այլ
 սպասելու է որ տղեկին ակուաները
 բուսնի. (որն որ նշան մ'է թէ բնու-
 թիւնն կ'ուզէ որ տղուն ուտելիք
 տրուի ծամուելու) ան ատեն հարկ է
 որ տղան կաթէն 'ի զատ բան մ'ու-
 տել սկսի, բայց հոս մեծ զգուշութիւն
 մը պէտք է. երբէք կարծելու չէ որ
 տղեկին ստամոքսը կարող է որ և ի-
 ցէ ուտելիք մը մարսելու. չէ, այլ տղին
 ուտելիքները կրնան ըլլալ՝ արարօթ .
 բարակ ալիւր, խաշած բրինձ. խա-
 շած բաթաթէս, բարակ շաքար,
 խաշած կամ որ և իցէ կերպով ե-
 փած խնձոր (ոչ մսով), և ասոնցմէ
 'ի զատ կաթ նաևս, որով եթէ
 իսառնուին վերոյիշեալ ուտելիքները
 աւելի աղէկ կ'ըլլան :

Տղայ մը եթէ այս ընթացքով
 անուցուի շատ հիւանդութեանց դէմ

կրնայ դնել, կամ թէ ըսեմ բնաւ են-
թակայ չըլար հետեւեալ հիւանդու-
թեանց, հարբուխ, Գլխաւոր, հազ, փորի-
ցաւ, եռք, Գլխաւոր, ուռեցք, մորթի
որ և իցէ հիւանդութիւն, ակուայի
ցաւ, և այլն և այլն և այլն. որոնք
ամեն տարի շատ տղեկներ գերեզման
կը տանին :

Այսպիսի կերակուրները մեծ ազ-
դեցութիւն ունին, նախ տղաքը նեղ-
սիրտ, վախկոտ, և գէշ բնութեան
տէր ընելու, նաև բթամիտ, հիւանդ
ու դանդաղ :

Միտք՝ որնոր մեծ պատճառ է տը-
ղայոց մարմինը ու միտքը վնասելու,
հարկ է չի կերցնել տղեկին մինչև
6—7 տարեկան ըլլայ, և կամ բնաւ
եթէ կարելի է. միս ուտող տղեկնե-
րը միշտ ենթակայ են շուտ պաղաւ-
նելու և դժնդակ հիւանդութեանց
մատնուելու :

Տղաք մէկ տարեկան եղածին պէս

սովորելու են կանոնաւոր կերակրոյ
ժամանակ ունենալու . ոչ թէ ուզած
ատեննին , կամ կէս գիշերուն . այլ մէկ
անգամ , առաւօտուն ելելէն գէթ
մէկ ու կէս ժամ ետքը , ցորեկին , և
իրիկուան պառկելէն գոնէ մէկ ու կէս
ժամ առաջ :

Ստեղծները շատ անգամ կը
գործածուին տղաքը լուռ պահելու
համար , որոնց օրինակները անթիւ
ունիմք մէջերնիս , քիչ չեն տեսնուիր
տղեկներ որոնց ձեռքը տրուած են
կարկանդակ , անուշեղէն կամ որ և
իցէ ուտելիք մը . այսպիսի տղաք միշտ
լայկան և կանչուրուտող կ'ըլլան , եթէ
մարք մէկ մը համադուէին թէ ինչ
ստակալի հետեւանք պիտի ունենայ
այսպիսի քնթացքները , ալ չ'եմ
կարծեր թէ պիտի շարունակէին :

Խեղի փղայոց :

Եթէ տղայ մը անուցուի ըսածիս

դէս շատ քիչ անգամ պիտի կարօտի
ըոյ, բայց և այնպէս եթէ պատահի
հարկ է որ մաքուր ջուր ըլլայ խմա-
ծը . վասն զի տղաք շատ ենթակայ
են գէշ ջուրէ մասսուելու :

Բնաւ տաք խմելիք մի' տաք տը-
ղային :

Օրը չորս անգամ (առանց նկա-
տելու իր ջուր ուղելը օրը հազար ան-
գամ) տալու է տղային մէկ ապուրի
դրդալով . որնոր պաղ ըլլալու է (ոչ
սառուցեալ) :

Բո՞ն պղպոյց :

Տղեկը պարտի առանձին, մա-
քուր և լայնկեկ անկողին մը պատ-
կիլ առանց կապերու աղատ ուղա-
ծին պէս շարժելու :

Պառկած սենեկին մէջ բաց պա-
տուհան կամ որ և իցէ հով գալու
տեղ ըլլալու է :

Սենեակը բարեխառն ըլլալու է :

Ծնողք տղեկին բնաւ լալուն լըսելու չեն . վասն զի տղու մը լացին բնաւ չի հաւատացուիր . պառկելու ժամանակը մէկ տարեկան ըլլալէն վերջը որոշեալ ըլլալու է , այնպէս ալ ելլելուն . աղէկ է որ արեւը մարը մրտնելուն պէս պառկի և ելլելուն հետ ելլէ :

Արիւն-Նիւն պղայոց :

Տղաք միշտ շարժման մէջ ըլլալն կը սիրեն և մարք մեծ անիրաւութիւն կ'ընեն իրենց տղայոց , եթէ զանոնք արգիլեն խաղալէն , վազելէն , եթէ մայր մը չ'ուզեր որ տղան տանը կահ կարասիքը կոտորտէ , թողզանոնք վերցնէ մէջ տեղէն :

Տղաք պարտին շարունակ խաղալ կամ չ'էնէ հիւանդ ըլլալ :

Ծոյլ կամ հանդարտ տղայ մը հիւանդ կը սեպուի :

Հիանդոնի նոյն փղայոց :

Տղաք եթէ ըսածիս պէս նայուին շատ հազիւ կը պատահի որ հիւանդանան . իսկ եթէ մանր մունր հիւանդութիւն ալ պատահի նէ , աղէկ է որ բնաւ դեղ չիտան տղուն՝ այլ ուտելիքը թեթեցնելով անցրնեն հիւանդութիւնը :

Բժշկական դեղերն են որ շատ տղաք դերեզման կը խրկեն : ॥

343
Այս անտրակս՝ եթէ կ'ուզես որ դաւկներդ առողջ ըլլան , քեզի առաջնորդ ըրէ , որոնց մտաւորական դատարակութեանը համար ալ քիչ ժամանակէն Տետրակ մը պիտի հրատարակեմ . իսկ եթէ չէ , իմ ընելիքս քու մտացդ արթնութեանը համար աղօթելէն ուրիշ բան չեկրնար ըլլալ :

Վ. Ե. Բ.

[304]

ЦЕНА

644
343



ՀԱՅԿԱՅԻՆ ԳՆՏՈՒՔԱԿԱՆՈՒԹՅԱՆ
ԳՐԱԴԱՐԱՆ ԵՒ ԳԻՒՄԱՆ
ԿԵՆՏՐՈՆԱԿԱՆ ԿՈՄԻՏԵ

ԳԱՍ Հիմնարար Գիտ. Գրադ.



FL0596229